



-Pamebhamε

"Nimlɔv : 001 'Zë Zë -kwε 2005 "su -bha 'sëédhe -mü

"Gwεetaawo

Dhiang -wo -tiaandhe

'WON -TAONG -MA 'GÜ 'SËÉDHE

-Më 'ö -kë 'yö- -dhe 'dhö- -bha kö 'wón -taong -ma 'gü 'sëédhe -yö kë kwa -de -wo -nu 'gü ? -Më 'ö -kë 'yö 'yaa 'to "kwi -wo waa- -wo "wεε -nu woo doseng -bha? -Kwaa 'wón dō- 'ka =dhe "kwi -wo waa- -wo "wεε -nu bha kë 'ö- wo =bhlëésü mε -nu "yan 'gü "kpungtaa bha, -a -wón 'kun 'ö- -mε -nu -wa wo "gbu-, 'ö 'wo =baa -a -nu -bha, 'yö -kë. =Ya kë "dhü kö -yö -së kö 'mε 'ö "dhü -yö ö -de gaa- pë 'kun -së, kö -a =bhlëé -yö kë mε "wεε -nu "yan 'gü. 'Yaa yö -zë -a 'ka, -wo 'bha 'yaa =bhlëésü kö -yö ziö- 'ka -wo 'bha -ta. -Wo =gban -yö doseng. -A -kë "dhü -sü 'gü, kö- dhe

-ya -bha kö 'kwa kwa -de -wo 'ö -kë =Dan -wo 'ka bha, 'kwa baa- -bha kö =bhlëé -yö kë- -bha. -Kwaa 'wón dō- 'ka =dhe 'mε 'ö 'yaa ö -de -wo pö, 'ö mε "wεε -nu -wo nü 'ö- pö, kö -ya kë -wo 'dhe 'ö bha, -a -bha =dhuéng 'ka, kö -ya kë =dhéng -mε 'ka. -A -wón 'gü, -kwa kwa wé slëé kwa -de -wo "piü. -Kwa dō -a -ya -dhe waa- pö -dhe 'ka. 'Pë 'ö -kë 'ö 'sëédhe 'ö -kë -Pamebhamε 'sëédhe 'ö ya, 'ö -kë 'yö bha. -Yö kë -sü 'ka -wo =plε 'gü. "Maa "sε, Gbiaan =gwinng- "sε waa- 'Siiplöö "sε, -a -nu -bha -ben -yö -ya -sü 'ka "Gwεetaa -wo 'gü, 'yö -wo "pεpε 'ö

'Dannéng "sε 'gü, -a -nu -bha 'dhö Blowo 'gü.

-Kwaa 'gü ma -së 'ka =dhe 'sëédhe ya 'yii kë kë "dhü doseng kö 'kwa kwa -dewo doseng nü- draan-. -Yö -kë 'pö "dhü kö -yö kwa "yan "pu, -yö kwa "tu "pu kö 'kwa 'wón -taong -nu ma, kö 'kwa 'dho kë- 'wón -nu 'ö 'wo kë sié =dεε "kpungtaa, -a 'gbe -dhe 'gü tii, "kεε kö 'kwa 'wón 'gbe ma.

'Mε 'dhe 'ö 'wón 'bha 'dhö- -gō kö -ya pö yi -dhe 'ö -gban kwaa- =Dan -wo "sε 'gü -wón -bha, yii- 'dreesü =nε: 08 bp 857 Abidjan 08. Bureau Dan. -piöga -ma "nimlɔv 22 43 12 72 'ka.

Kwaa- =danwo pö "sε 'gü -wón



=Klang- -bha 'gbanu 'ö- wo

=Klang- 'ö ma -zuglu -bha kwaa- "pεen -ta bha, =ya kë "bhadha -dede 'ka. =Klang- -kō =gbaan "dhi ta, "kεε kö 'sa 'sëédhe -dhō -dede -yö kwaa- 'në -nu -bha. Mε 'dhe -nu 'ö 'wō -kë =dhe -a -naa mε -nu -wo "pεen 'dhe 'ö -gblü 'yaa- 'ka, -a -nu 'ka =wa woo 'në -nu bō- -nu 'gü 'dɔɔndhō. 'Mε 'ö mε 'yaa- -nu -gō, =wa 'to -wëésü. =Ya kë "dhü kö "sε =ya

"pε 'gü -dedewo nü wo bha. "Sε -pε 'gü -kō -suu nu bha -wo 'në -nu -kë zué" "dhiü =wliüü" -mε -nu 'ka. -A -kë "dhü -sü bha- 'gü, 'mε 'ö "dhü -yö bhea" ö bha Atanna -dhe kö -yö "ta kwaa- "sε -dhe, kö "sε -gō "dhiü -mε -nu -zo -yö -bō -dedewo kwa -wón -ta, kö =klang- -wón bha, "siü -yö

-ya -a 'gü. Kwaa dō bha =klang- -wón 'yii kë nu "vaandhō kwaa- "pεen -ta. =Ya kë "dhü 'züzü kö 'wón 'ö kwaa- "Kōdivuaa -sε -bha =dεε kö 'yii kë dankwëé, kö kwaa- =klang- -wón "yan 'yii kë bhō "vaandhō, -yö -dho kë kwaa- =yaoba "sε -bha "gbu- yi =plεε -bha. "Kwi -yë kë -mε -nu 'waa woo kë 'gbe.

L'orthographe DAN

Voici ce que nous pouvons prendre pour savoir lire et écrire en langue dan.

Les consonnes et les voyelles que vous ne voyez pas ici sont les mêmes qu' en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l' alphabet :

| Lettres | Exemple | Traduction |
|---------|---------|-----------------|
| Aa | "kaa | <i>gale</i> |
| An | "gan | <i>tirer</i> |
| Aan | saan | <i>cadeau</i> |
| aɔ | kaɔ | <i>perdrix</i> |
| aɔn | 'daɔn- | <i>araignée</i> |
| bh | -bho | <i>cabris</i> |
| dh | dhe | <i>mère</i> |
| ee | =wee | <i>sel</i> |
| ε | "pε | <i>déchirer</i> |
| εε | =wεε | <i>moquerie</i> |
| en | -gεn | <i>piéd</i> |
| εen | =gblεen | <i>long</i> |
| ë | pë | <i>chose</i> |

| | | |
|-----------------|--------|--------------------|
| ëë | "këë | <i>daba</i> |
| ën | 'kën | <i>rassasier</i> |
| ëën | =klëën | <i>entourer</i> |
| εa | "kpea | <i>sec</i> |
| εan | gean" | <i>scorpion</i> |
| gw | -gwë | <i>caillou</i> |
| in | "bin | <i>fleur</i> |
| iin | "iin | <i>ou</i> |
| ι | "wι | <i>parler</i> |
| u | "gbu- | <i>fort</i> |
| kw | =kwaa | <i>main gauche</i> |
| ng ¹ | gbeng | <i>nuit</i> |
| oo | -zoo | <i>chenille</i> |
| ɔ | 'pɔ | <i>credit</i> |
| ɔɔ | =wɔɔ | <i>singe</i> |
| ɔn | "yɔn | <i>huile</i> |
| ɔɔn | =yɔɔn | <i>sang</i> |
| ö | pö | <i>dire</i> |
| öö | töö | <i>panier</i> |
| u | "su | <i>lune</i> |
| un | bun | <i>tombeau</i> |
| uun | =yuun | <i>asticot</i> |

| | | |
|-----|-------|------------------|
| ü | 'gü | <i>intérieur</i> |
| üü | "güü | <i>amère</i> |
| ün | =blün | <i>miette</i> |
| üün | glüün | <i>rouler</i> |
| ü | "gü | <i>brûler</i> |
| üü | "bhüü | <i>tarir</i> |
| u | "tu | <i>oreille</i> |
| uu | "tuu | <i>sauce</i> |

-Wo 'dho -kō (Les tons)

| | | |
|-------------------------|----------|----------------|
| très haut | "dhü | <i>arbre</i> |
| haut | 'kō | <i>maison</i> |
| moyen | dë | <i>père</i> |
| bas | =zε | <i>termite</i> |
| très bas | -dhō | <i>amour</i> |
| très haut + très bas | "klang- | <i>singe</i> |
| haut + très bas | 'yënn- | <i>soleil</i> |
| moyen + très bas | saa- | <i>savon</i> |
| bas + très bas | =göö- | <i>iroko</i> |
| moyen + très haut gean" | scorpion | |
| moyen + haut | kpuu' | <i>souche</i> |

'Wɔn 'ö -gban Diksiɔngdhεε 'sëédhε -bha

'Sëédhε, 'ö -wo kpö 'gbe, 'ö- 'dhε "dhü -a 'klɔɔ- 'dodo dho kε- 'gü: -kwa -de -wo 'gü, "kwi -wo 'gü, Dhuusi -wo 'gü, 'Glεε- -wo 'gü,-a -wɔn -yö 'sia-. -Wa -dhε "kwi -wo 'gü diksiɔngdhεε. M ε -nu -wa -yë -bha

'Sëédhε 'ö "dhü bha, -a kε -sü zü -yö -bho -kwε "gblü =plε waa- ö ga do -naa 'ka. =Ya kε "dhü kö -a -kwε -yiisiö -naa nü 'ö ya. Kwaa- -dhεng -nu 'ö 'wo -kε "Kwi "puu -nu 'ka, 'ö 'wo go "segö 'ö 'wo- Dhuusi -kε -a 'gü, 'ö

yë 'dhε bha 'wo- "yan dɔ 'gbaandhö, nü 'ö 'wo yë bha- -bha. -Wa mε do -dhε Vidrinö Valanngtεn 'ka, 'yö 'wo- mε do -dhε Ana ΕΕmanö. 'Mε 'dhε -nu 'ö -nu "saa- 'gü -dedewo 'ö "kwi -nu bha 'wo nu yë bha- kε bha, wo -mü Maagödhitö Boli 'ö 'kwa- 'tɔ kpɔ 'Wɔnsë bha waa- Toma Beaatö 'ö =ya gun =ya =gwëë -Gbïaa "se 'gü, 'a -nu 'ka. =Dhuusi "kwi -nu bha, woo do 'waa mü 'ö 'wo yë 'ö "dhü bha- -bha. Kwa -dega -a 'në =plε 'wo -kε 'sëédhε -slëëta -mε -nu 'ka kwa -de -wo 'gü,

weng- -nu nü yë bha 'wo- kε -sü 'ka -dedewo. -Wa mε do -dhε =Kεst Dhifɔngsi. Yö nü waa- Vidrinö 'wo- -bha "Gwεεtaa -wo 'gü. 'Yö 'wo- mε do -dhε Lo Zafe. Yö nü waa- Ana ΕΕmanö 'wo- -bha Blowo 'gü 'pö. =Ya 'go 'sëédhε bha- 'gü, -a "wεε 'gbe 'bha -nu -wo mü 'ö 'wo- -bha. -Kwaa 'gü ma =dhε 'sëédhε "pεpε bha -wo -kε "dhü kö kwaa- =Danwo 'ya 'dho kε- -ga -bhaa 'gü -pε 'ka.

Kwaa- "Kɔdivuaa -se 'gü -wɔn



'Wɔn 'ö -gban 'wëë- 'ö sü 1992 -bha -a -slëë 'gü -wɔn -bha

'Wɔn bha -yö -sü -kwε 'ö 'kwa go- 'gü ya, -a -bha "su "susiö -naa 'ö 'wo- -dhε "kwi -wo 'gü setangblë, -a -dhεkpaɔyi -kaɔng do ö ga "saödo -bha. Kwa wë ya kε 'yënn- -wo -zian 'ka, kwaa- mε tii "segö -nu 'ö 'wo mε =kwaa 'gü, 'ö "Kwi -wo 'dhö pö- 'gü, 'wo -kε: Bene, Ginee, 'Kɔdivuaa-, Mali, Nizïεε, Senegalë waa- Togo 'ka -a -naa "wëë- -kɔ 'ö 'wo- -dhε BCEAO bha, 'yö -kε -a -gɔ -mε -nu 'gü -së

kö "wëë- "dhε "pεpε -nu bha, -wo slëë- 'gü. "Tüng -blεεsü 'ö 'wo kε- -ya kö 'wɔn bha -yö kε- 'ka, -a "dhiü -yö kε -to -kwε 'ö -ziö ya, -a -kan -ta "su 'ö 'wo- -dhε "kwi -wo 'gü Desangblö, -a "dhiü 'to -yi 'ka. =Dhε 'ö go 'mü, 'yö 'wo- =plε -naa -ya 'zü. -A zü -yö kε -bho zanvie do 'ö -ziö ya, -a -dhεkpaɔyi -kaɔng do ö ga "saaga -naa 'ka, 'yö- "dhiü 'dhö to "su 'dhε 'ö dɔ- "piü, 'ö -kε 'zëzë 'ka kwa -wo 'gü bha, -a -bha -dhεkpaɔyi -kaɔng =plε ö ga "sɔɔdhu -naa 'ka. =Ya 'go yö -zë -a 'gü -wo -dho

"tüng -yaaga -naa -ya "iin 'waa woo- -ya -ee, yö -zë 'kwaa- 'wɔn dɔ. =Ya kε -ya -pë 'ka 'zü, kö -yö -dho kε- -së. -A -gεn -mü =dhε 'wɔn bha 'yii kε kε 'mε -nu 'ö 'wo "pεεn 'dhε 'ö -gblü 'dhö- 'ka, -a -nu dha -wɔn 'ka. Mε 'gbe 'wii kε -a 'wɔn ma "vaandhö. =Ya 'go mü, -a -slëë 'gü -dhε "wεε 'bha 'yaa gun- -nu "sɔɔ kö -wo 'dho mü. -A -kε "dhü -sü bha- 'gü, mε 'bha -nu -naa 'wëë- zii bha, -yö -tun =kö -a -nu -gɔ. -Ya kε pë see- -sü 'ka. 'Yö -më 'ö -kε =zɔɔ 'yö 'wëë- -gɔmε -nu bha, 'wo-

pö 'wëë- "dhε -nu bha -wo slëë 'gü? -Wa -pö =dhε 'ö =yɔɔ mü kö 'wɔn yaa kε -mε -nu -wo "slë -ya sië 'wëë- "dhε zii -nu bha- -nu 'gü. 'Bha -nu yö, -yö -kε ü 'gü =dhε 'wëë- -dede 'dhö, "kεε kö 'yaa- 'ka 'sa. 'Kwa- pö "dhü kö kwa- -pö =dhε 'wëë- "dhε zii -nu 'ö -kε: 'wëë- kεng do "dhε, kεng =plε "dhε, kεng "sɔɔdhu "dhε, "gblü do waa- "gblü =plε "dhε -nu 'ka bha, -wo slëë -sü 'ka- 'gü. Kεng =plε, kεng -yiisiö, "gblü do waa- "gblü =plε "dhε -dee -nu nü 'ö 'wo "se -bha 'dede ya- 'gü. =Ya 'go mü -kaɔng -yiisiö "tanmaga -yö mü, kεng do -bha -yö mü.



Sudan: Zuë" 'waannu -wɔn

"Kpungtaadhε -wɔn

Sudan -se bha, kwaa mε tii "se -nu 'ö 'wo "dhuü- =yën bha, -a do -mü. -A yi =ya =gwëë, -wo 'gü ma dhe 'yaa gun -a 'gü -mε -nu 'wo "dhuü- =yën, 'ö 'wo -kε mɔɔ- 'sëëbho -mε -nu 'ka waa- 'mε -nu 'ö 'wo- -gɔ "sia- =yën 'ö 'wo -kε =dheglizë 'gü -mε -nu waa- =geebë -dhakëmε -nu 'ka, -a -nu

=zinng 'gü dha "yi -kwε -kaɔng =plε "piü. -A -kε "dhü -sü bha- 'gü, mε 'ö 'wo =mɔɔ "midhiɔng -bha -a -nu -gɔ -yö kε -to "dhinaa 'ö "dhü bha- 'gü. "Kεε -Zlan nuwεε, "segö "gblügbliü -nu 'ö 'wo "kpungtaa -wa -nu =zinng 'gü -dhiang zë -së 'ka, zuë" 'waannudhε =ya nu Sudan -se bha-

'gü =tɔn. -Ziaanwo =bidhong do 'ö 'wɔn 'ö -gban 'ko -wo 'gü ma dhe -bha -a "yan -nu -wo bhɔ 'gü, -yö -ya -sü 'ka -kɔ "pεεn =plε bha -a -nu -bha 'ka -së 'ka. Kö zuë" waannu -wɔn -dede -mü.

'Wɔn 'ö -gban troo -nu -bha mε wɔkɔ -nu 'gü

-Dhεkpaɔyi =plε ya- "piü, =badhong 'kpii- do -yö kε -zuö mε tii "segö 'ö 'wo- -dhε Dhaflikö di Sidö, -a 'gü. -A zuö -gεn -mü =dhε -wo kε "dhü kö =badhong -zuö -mε "gbu- 'ö dho kε- mε tii 'në 'ka, kö -yö dɔ. 'Mε 'ö kε =slɔɔ -yö -gɔ mε tii "se 'ö -kε Kamödhunö 'ka, -a 'gü. -Wa -dhε Eto.

'Wɔn yaa -ziizë 'ö 'wo- -dhe sunami Zapɔnng 'se 'gü

Sunami bha, "se -bha =zii 'ö wo -kɔɔyi =wlöö, 'ö- "dhiü =wliüü 'ka, 'ö- dɔ 'ka dhang- -bha, 'ö- kpökpö -nu -bliü 'ka -dhe =gblen =gblen -nu 'gü, "vanvandhö =dhe me me "yan "pɛen do gɔ zë



Sunami -bha pë see- -kɔ 'bha -nu =ne

'ö mebhü- -nu 'waa "tüng =slɔɔ -dhe yö kö -wo =dua, 'ö me zë, 'ö pë =see 'ka -dedewo -kɔ suu =gban -suu =gban 'gü, yö -mü. -A -ga, 'yö 'pë bha 'ö me 80.000 zë 'sego 'ö -kë Donesi 'ka- 'gü, me 5000 zë Tailangdë, 'yö Endö me 9000, Siilanga me 29000, Benggladesü me 2, Buuma me 90, Tanzani me 10, Kenia me 1, Somali me 2000, Maldivö me 73, Malezi me 66. Mëbhü- -nu 'ö 'wo ga, -wo -gun -ziisü. 'Mε 'ö 'wo- -nu bun bho -gblüga 'glëng- -glëng do 'gü, -wo -gun me "gblü këng =plε waa- me "gblü -kaɔng =plε (220.000). -A -kë "dhü -sü bha- ziaan- -ta, 'në "midhiɔng -nu -wo mü =dεε 'ö- -nu dë 'yaa 'dhö, 'ö- -nu dhe 'yaa 'dhö, 'ö pë =bhee 'yaa- -nu -gɔ, 'ö 'kɔ 'yaa 'dhö kö -wo -wɔ -a -nu 'gü. -A -wɔn 'gü, 'ö nu 'ö yö 'ka =dεε -bha, "bin 'ma -dhe -yö =kpɔɔ, 'mε 'ö -ziö këng -ta -wa -nu bun -bho -dhekpɔɔyi -bha. 'Wɔn -wëësü -dede -mü. =Dhe 'ö -kë "dhü, kwaa- me tii "se 'dhö, =Mlεεkεen "se 'dhö, -Flanngsii "se 'ö dho 'ö -da 'ka -a "wεε 'bha -nu -bha, -wo kë -ta -a -nu -dhe -bhöpë -nu, sɔ



-Ka Tailangdö -dhe -ga sunami ziaan- -ta

-nu waa- pë "wεε 'bha -nu 'ka, "kεε yöö =gban 'gü -kwa kwa "tüng kë -a -nu -wɔn 'gü kwa zuë" "piü. -Kwa bhea" -Zlan -dhe kö -yö dɔ- -nu -gban -gɔ. Mëbhudhe -nu kwa do.

Sadhepta

-Kɔ -loo 'ko -ta do 'bha 'ö 'wo- -dhe Sadhepta, -yö -ya -sü 'ka. "Kwi saa- nü 'ö- -pëkë. 'Mε 'ö- -gɔmε 'ka, -wa -dhe Pasitëë Tobo Ke Beɛnaa. -Yö -go Dannëng "se 'gü. Saa- -blesü 'ö Saadhepta 'ö -pëkë, -a -wɔn "dhia -yö 'ma -sü 'ka -dedewo -a 'dhɔ -mε -nu 'gü. -Kɔloo 'ko -ta bha -yö -ya -mëwɔn 'gü ? -Yö -ya "dhü kö -yö kë "flεε fiëdhe kë -sü 'ka mebhü- -nu -gɔ. -A

-gen -mü =dhe 'mε 'ö yë 'yaa gun- -nu -gɔ, 'ö 'wo yë kë sië =dεε saa- -pëkë -dhe bha- 'gü, -wo -mɔɔ këng -bha. =Ya kë "dhü kö -a -nu -bha "flεε "bhü fiëë =ya kë. Kö -kɔ -loo 'ko -ta -wɔn bha 'wɔn -tiaandhe -mü. -Yö -së kö kwa -yεεbhaa -dhe -nu 'gü, 'wɔn 'ö kwa "piü 'kwa- kë =naɔ -yö 'gü -pë 'ka "kaflu waa- kakao ziaan 'gü, 'kwa kwa "tüng kë -a kë -sü 'gü.

"Kaflu waa- =kakao

=Ya 'go mü, yi ka -zo -bö =dhe =kakao "kidhung do sɔng -yö 'wëë- -kaɔng "saɔple -zü, 'yö "kaflu -bha 'dhö -kaɔng -yiisiö -zü. -A sɔng 'dhe 'ö sü "kwi -a "su 'ö -kë zanngvie 'ka -a -bha 'ö yö 'ka 'maasü 'ö nu sië ya- -bha, 'yö bha.

'Wɔn 'ö -gban -potaasü -wɔn -bha.

Sida, me "trɔyaabho -yua

-Kɔ -loo 'ko -ta do 'bha -yö -ya -sü 'ka kwaa- 'Kɔtö Divuaa -se ya 'gü, 'ö 'wo- -dhe DHEPMASI. 'Mε -nu 'ö 'wo -kë =dhe -wo 'wɔn -taɔng -nu -yö me -nu -bha -kɔ suu =gban -suu =gban "yan -dɔ "kwi -wo 'gü, 'ö 'wo wo 'ko dɔ -tiaandhe 'ka, nü 'ö 'wo -kɔloo 'ko -ta bha- -ya. -Wa -kë "dhü kö -wo me -zo =kpɔɔ, kö sida -yua, me suu yën -yua bha, 'kwa kwa -de 'kun- -gɔ. -A -kë "dhü -sü bha- 'gü, -kwe 'ö 'kwa go- -gü ya, 'yö



me -kɔ "gbluv -gasü 'ö -kë gizame 'ka bha, 'wo -ya. Mε 'gbe -dede -wo kë -nu kö -wo gizame bha -a kë wo -de -wo 'gü. =Danwo pö -mε -nu, Mëng' -nu, Gloo- -nu, =Betee -nu, "Bawlεε -nu, -wo 'ö =mɔɔ -wo -kaɔng do ö ga "saaga -bha kwaa- "se ya- 'gü, me -nu -wo kë -go -a 'gü. Kwaa- "yuv -mü, kwa 'tɔ -yö kë -wo me -nu =zinng 'gü. Kwa kë genyën.

-A do 'ö dho 'to kwa "yaan 'zü, yö -mü =dhe 'sida bha, -a 'sü -kɔ -yö 'gbe. -A -blesü -mü =dhe gɔɔn- "iin dhebë, -a -bha -tosea -kë =nëng 'gü -sü 'ö -zaadhö, 'ö -dhe 'ö -wɔ -kɔkɔ 'ö- sü, 'ö- 'dhe 'ö -wɔ "küngküng 'ö- sü =dhe 'gben -yö 'wɔn -kë bha, -a 'ka. =Ya 'go mü, "bon zë -sü 'ö 'wo -kë -dhaa 'në, 'iin 'laamö doseng 'ka me =gban kwi -bha, "iin "yuame -nu zua -sü 'ö pë dosengseng 'ka bha, -a 'ka. =Ya kë "dhü kö -kwa kwa -de 'kun 'wɔn suu -nu bha, -a -nu kë -sü -gɔ.

=Ya'go mü ka -bha 'ka, kwa -moo 'gü kpeengdhö ?
-bha 'kwa sida -dhe =dhe kwa -de -wo

'Wøn 'ö -gban troo 'në -nu -bha

Pë "bin =ple ya -a -nu -ga -së -dede 'ka. -Wo -bhö wo 'kwëë-, "kεε -a do -zë 'ka -dhe "saaga -ya -bha. -A -nu =moo-.



"Yu -wøn

'Nëglöon 'në do 'bha bha 'yö -gban =gee -go. -Kpo 'ö 'wo-
wo "dhædhö, 'yö- pö yöö "yædhe kë "siëë- 'ka mε -nu
"yan "dhiü "dhædhö 'mü kö mε -nu -wa pö ö "gbu-. -Aga
kö =gee bha =ya ö -kö ziö- -bha -blæε 'gü, kö -yaa gën "kan,

-yaa lö =ya ö -gen yö- -ta. "Kaa 'ö 'mε bha -a zü -bha, -yaa zü
kë tii 'ka =ni. -A "dhiü -zian nü 'ö yöö ö -kö kpa- -ta, "iin -a zü
kpö nü yöö -a -gblæen 'kpö -ee ? =Gee =de 'pö yaa- "piü 'ö ö -
gen 'go -blæε bha- -ta...

"Gwüing

Kwa- -pö kwa -de -wo 'gü =dhe:
« -Gö 'yaa- kë "wεε -ya -kë bhö -bha
kë 'gü. »
'Wøn "pepe 'ö kwaa- "kwi -
dheng -nu 'ö -da 'ka kwa -dega -bha

'në -nu -bha 'wo- kë sië bha, -yö -kë
"dhü kwa nü kwa -wøn 'gü. -A -kë
"dhü -sü bha- 'gü, kö -kwa dö kwa -de
-gban -go. -Kwa kwa faan dö kwaa-
'sëédhe -nu bha- -nu -wøn -bha. « 'Wo

ü =taadhe =yoo sië kö bhii =de 'pö ü ü
'gblëédhe =yoo sië. »

'Sëédhe -dee -nu -wo kë -sü 'ka. -A -blæesü bha -wa -dhe 'WAA 'WÖN YAA
'YÖÖBHO 'WÖN YAA 'KA. -Wa dë -mε -dhe =Kesü Møyen. 'Sëédhe bha dhiang -wo -
nu 'ö 'wo- -gü, -wo -tiantandhe -dedewo. Mε faan dö -wo -nu, mε =klang- kë -wo -
nu, -gleng -da 'në -nu -bha -wo -nu =gban -wa 'gü. -Yö -ya -sü 'ka =Danwo 'gü,
"gwæetaawo 'gü. -A -pë -yö -kë "kwi "sε 'ö -kë =Dhusi 'ka, -a 'gü. -A "dhiü 'to -dhe
bha, -wo -nu bha -wo slëë -sü 'ka- 'gü "kwi -wo 'gü. Pë "bin 'ö -ta yö nü 'ö -ya ka
wëédhö bha.

=Ya 'go mü 'sëédhe do 'bha -yö -wo -sü 'ka blowo 'gü. -Wa -dhe -Zuu 'gü bhuö -
dhe bo -kö. 'Sëédhe =bhlëesü -mü -dedewo. -Kö 'ö dho kë -bha kö ü "yan -nu 'ö -zio
'wøn 'gü -gblü -bha "tüng ya- 'gü, ü -zo -yö -gban, ü zuë" -yö lö nü -dhiang zë.


-A -to =taama -sü -mü =dhe kwaa- -kwε 'dhö, "su waa- -dhekpaoyi 'dhö, -a -nu
dhong 'sëédhe -së do =ya yö "kpenng. -A 'to -mü Sö 'yuögü =dhong- 'sëédhe.

'Sëédhe "pepe -nu 'ö 'wo bha -ka -dho -kpan -a -nu -bha -blæesü 'gü, "Biya, 'Silö.
-A "nimlvv -mü 22-43-12-72 'ka.

=Ya 'go mü ka -moo -a -bha 'ö 'ka -kpan -a -nu -bha "Maadhö "Zε Emadhiædhö -
go, =dheglizö UEESO 'gü mü.

-Ka -moo -a -bha 'ö 'ka -kpan -a -bha 'pö 'Dannëngdhö =Dheglizö UEESO 'gü mü,
'sëédhe "dhöödome Gongö Zan- "piü.

Pë -Wlangda -sü



'Ka ka bo 'sëédhe ya- -wo pö -sü 'ka, 'wøn 'bha =ya kë ka -go kö 'ka pö yi -dhe, -ka 'sëédhe kë kö 'ka bo.
Yii- 'dresü -mü 08 BP 857 Abidjan 08 'ka. Tel. 22.43.12.72.

'Mε -nu 'ö 'wo 'sëédhe 'ö ya- -kë, wo -mü =Sai Zoziásü, "Dhöögbö Zafe, =Kesü Møyen Dhiföngsü, Valangten
Vidrinö waa- Edhena Pedhekwalösökaya -nu 'ka.